

“Non putemu fari malafiura!!

*Commedia brillante
in tre atti
di Silvano Luca*

Personaggi

- Patri arcipreti *(il parroco)*
- Angelina *(la sua “perpetua”)*
- Bittu *(il capo musica)*
- Giacomo *(il musicante)*
- Delfio *(Il vigile)*
- Iole *(la donna colta)*
- Rossella *(la giovane)*
- Minicu *(Amico di Bittu)*
- Alpina *(Amica di Rossella)*
- Mons. Eupremi *(Il vescovo)*

*Silvano Luca
Autore*

Suggerimenti e profilo dei personaggi

- **Patri Arcipreti:** *Uno dei vari protagonisti della nostra storia. Avrà un tormentone fisso in testa che è appunto il titolo della commedia. Non si fida (e date le circostanze fa bene) dei suoi fedeli, litiga sempre con la sua “perpetua” ma nel momento centrale del racconto chiederà disperatamente aiuto alla fedele servitrice! Ha circa sessantacinque anni e naturalmente veste con una tunica talare nera.*
- **Angelina:** *La sua ignoranza è paragonabile alla sua furbizia...e dato che è veramente molto ignorante, lascio a voi la conclusione di questa proporzione. Da tipica “zitella” di paese, comanda tutti a bacchetta, ma grazie a lei l’intoppo si risolverà...almeno in parte!Comunque, veste come una semplicissima donna di casa quindi grembiule, scarpe chiuse, vestine molto semplici e la sua età si aggira attorno ai cinquantasette anni.*
- **Bittu:** *Un ragazzotto trentenne, abbastanza imbranato e stupido. Da poco eletto capobanda, data la carica appena ricevuta si sentirà una importante autorità di paese...purtroppo combinerà un guaio...veste in primis con pantalone di velluto, camicia e bretelle o merletti e successivamente con una divisa da banda musicale, come detto prima, la sua età è trent’anni.*
- **Giacomo:** *Il migliore amico di Bittu. Riderà molto per il pasticcio combinato dal compare, ma poi correrà in suo aiuto risolvendo, anch’egli, l’intoppo creatosi. Età e vestiario? Vedi Bittu....*
- **Delfio:** *Il vigile urbano comunemente detto “ U vardia”. Persona cinquantenne, seria, rigorosa...imbranato e disattento anche lui ci metterà del suo nella realizzazione involontaria del danno. Veste con la divisa del corpo municipale di polizia.*

- **Iole:** *La donna colta della nostra storia. Sarà chiamata a svolgere diversi ruoli e questo causerà la sua felicità e l'invidia della povera Angelina. Non capirà niente dell'intoppo verificatosi!Veste con diversi abiti sofisticati, naturalmente in stile d'epoca (anni '60)e la sua età è cinquantotto anni.*
- **Rossella:** *Una ragazzina molto semplice, umile e volenterosa di far bene davanti al suo curato. Si occuperà del coro parrocchiale. In scena cambierà abito ad ogni atto, la sua età...circa diciotto anni.*
- **Alpina:** *Un personaggio molto simile a Rossella...l'unica differenza sta nel fatto che Rossella dirigerà il coro e Alpina invece canterà...per il resto...come Rossella.*
- **Minicu:** *Un simpaticissimo ragazzo di vent'anni, svogliato, pigro e fannullone...ma nello stesso tempo burlone , scherzoso e....poco disponibile data la poca voglia di lavorare...ma alla fine, si darà da fare! Veste...vedrete in scena...prima come i ragazzi della banda e poi...vedrete...vedrete...!!*
- **Mon. Eupremi:** *Il Vescovo! Vero motivo di organizzazione ed emozione della nostra commedia. Lo vedremo solo nel terzo atto e accorgendosi di cose strane e di visi conosciuti, farà finta di niente e premierà tutti con una benedizione. Età...diciamo anziano e abiti...neanche a dirlo...*

Silvano Luca
Autore

Atto primo

Siamo nella sagrestia che fa da salone alla Chiesa, corre l'anno 1968 nell'entroterra della Sicilia montanara, accade che....

Entrano in scena da sinistra (visione spettatore) Bittu ed Angelina

Bittu: Dimmi na cosa, ma st'annu pa festa du Crucifissu a musica a chiamati veru!?

Angelina: Chi dumanni chi fai!! Certu chi a chiamamu! Ti scanti chi circamu a banda di fora paisi!?

Bittu: Sai com'è...(orgoglioso) ora divintai capubanna...

Angelina: Comu minimu ti senti.....(burlona)

Bittu: (difensivo) Iò pensu sulu all'interessi da banda...quindi!?

Angelina: U voi sentiri diri!?(chiama) Patri arcipreti...patri arcipreti!?

Patri arcipreti: (entra in scena da destra lato spettatore)

Cu è chi etta uci!? Bittu!! Chi ci fai tu cà!?

Bittu: Ass'abbinidica patri arcipreti...vinni a cuntrattari a musica pà festa du crucifissu...

Angelina: (burlona) U ficiru capobanda!!

P. A: (scherzoso) Allura..ti devi mettiri i gradi supra a giacca!!!

Bittu: *(orgoglioso)* Già fatto....!!

P.A: Ni era sicuru...comunque, cascasti precisu picchè oggi convocai na riunioni con autri amici pi darivi na notizia...

Bittu: Va beni , ma a cuntrattamu a musica!?

P.A: Chi stai tinennu!!!Dillu n'atra vota e mi chiamu a banda di fora!!*(cambia atteggiamento)* Ma..stati preparannu qualcosa di novu!?

Bittu: Tuttu u repertoriu novu...!!A prima nisciuta s'accorgi sulu!

P.A: *(indaga)* E quantu siti!?

Bittu: *(sicuro)* Avogghia!!

Da sinistra entra in scena Rossella...

Rossella: Buon giorno a tutti i presenti.. Padre, cosa voleva dirmi!?

Bittu: *(sta per parlare con Rossella ma viene interrotto da Angelina e da Patri Arcipreti)*

P.A. & Angelina: U ficiru capobanda....!!

Bittu: *(rimane in bilico con le parole)*

Rossella: Complimenti Benedetto!

Bittu: *(scemo)*Benedettu!? Ma cu cui stai parlannu Rossella? Iò mi chiamu Bittu!!Pari chi no sai!?

Rossella: *(demoralizzata cambia discorso)* Emm..Padre, cosa voleva dirmi!?

P.A: Aspettiamo che arrivino gli altri invitati Rossella...

Entra in scena, anch'egli da sinistra, Delfio...

Delfio: Una buona giornata a tutti...

Bittu: *(convinto)* Salve...collega!!

Delfio: *(non capisce)* Collega!? A parti di cui!?

Bittu: *(sempre orgoglioso)* Sa, in settimana sono stato nominatu autorità!

Delfio: E l' altri non comunicaru nenti!?

Angelina: *(interviene)* Piffauri chi staci tinennu!!

P.A: Delfio assettiti, ti voli diri cu ficiru capobanda!

Delfio: Tuttu cà!?

Bittu: Ca ti pari picca!?

Delfio: Bonu...bonu...ma...chi è a to a bicicletta avanti a porta a Chiesa!?

Bittu: A mia è ...picchi!?

Delfio: Levala subito chi si passa a corriera sa metti di sutta!!!

Bittu: Bedda Matri!!! A bedda bicicletta!!(esce di corsa da sinistra)

Si ridacchia...

P.A: Havi na testa chi si non ci vola...facemu na carriera!!!(detto comune)

Entra in scena sempre da sinistra Iole...

Iole: Permesso!? Si può!?

P.A: Venga pure Iole..finalmenti ci semu tutti!!

Rientra da sinistra Bittu in compagnia di Giacomo...

Bittu: Fora c'era Giacumu, u fici trasiri cu mia comu componenti da musica...

Giacomo: Saluti pi tutti..s'abbinidica patri arcipreti...

P.A: Assettativi chi haiu a parlari...

Delfio: Allora patri arcipreti!? Chi succidiu!?

P.A: Si mi duni u tempu...tu spiegu!!Allura: Questo mese la nostra diocesi ha organizzato degli incontri tra le comunità e il vescovo, siccome Sua Eminenza veni puru unni neatri si dia il caso chi non putemu fari mala fiura!!!!

Iole: (emozionata) Che gioia!!Viene a trovarci il vescovo!!

Giacomo: (contento) Neatri sunamu pu viscuvu, veru!?

Bittu: *(rimprovera l'amico)* Chistu u dicu iò!! Neatri sunamu pu Viscuvu , veru!?

Angelina: Certu!! Iddu è capumusica!!

P.A: Bittu, ora cu tia facemu un discursu....

Delfio: Garantirò la sicurezza per l'evento...

Rossella: Possiamo preparare qualche canto con la corale Per Sua Eccellenza il Vescovo...

Iole: Ti aiuteremo noi Rossella..

Angelina: Mi iunciu puru iò pi cantari!

P.A: *(sfottendo)* Allura! Ota si iunciu a uci di canariu... Tu occupiti di fari un pranzu decenti pu Viscuvu...

Angelina: Patruzzu... stassi tranquillu... ci facemu truvati na bella passata di maccarruna...

Bittu: Inchemu i bicchera a utti...

P.A: *(interviene)* Se, va beni... u m'briacamu e non ni parlamu chiù!!! Veru!? Ci voli modu pi fari sti cosi non pinzati chi già cunzammu tuttu!! E poi u dussi antura: Non putemu fari mala fiura!!!

Bittu: E già u dissi du voti!!

Angelina: *(sottovoce)* E ancora chi hai vistu!?

P.A: Ricuminciamu: A unu a unu...

Giacomo: E senza ammuttari...*(detto comune)*

P.A: Bravu Giaucuminu...Allura!?A musica l'avemu!?

Giacomo: Comu no!!

Bittu: *(rimprovera)* Ti dissi chi parlu iò chi sugnu u capobanda!!Certu patri Arcipreti...semu cinquanta!!!

Giacomo: *(meravigliato)* Addirittura!!!

P.A: *(anch'egli meravigliato)* Quantu!?Cinquanta!? Ma..unni i vidisti si finu a l'urtima nisciuta eruvu si e no trenta cristiani!?

Bittu: Ci dissi cinquanta e saranno cinquanta...si fidassi di mia!!I cosi ora canciaru!!!

P.A: *(ricorda scherzoso)* Mi fidu di tia!? L'ultima vota chi mi fidai di tia t'aveva addumannatu di purtarimi u vinu pi l'altaru...

Angelina: *(idem di P.A)* E ci purtau na buttigghia di vecchia...

Bittu: *(cercando giustificazioni)* Iò circai di purtari u megghiu wiskey invecchiatu sapiddu di quantu anni arreri...

P.A: Ma iò t'aveva addumannatu u vinu pi celebrari a Missa E si ti diceva di purtarimi l'ostià chi facevi!?

Angelina: Accumpareva cu un chilu di pani cunzatu!!A Madunnuzza mu iuta!!!

Bittu: *(taglia corto)* E chi stati tinennu!!Insomma, chi vuliti purtatu!?

P.A. Allura: Quannu arriva u Viscuvu, ci voli a banda chi sona n'ta chiazza a musica a festa!!

Bittu: Va beni..ci facemu tutti i marci novi pu Viscuvu...

Giacomo: *(sorpreso)* Tutti!? Ma si a stentu ni stamu ripigghiannu una vecchia...

P.A. E chi dissimu nenti allura!?

Bittu: *(rassicura)* U lassasti stari patri arcipreti, di cà a t'annu u repertoriu novu..e poi c'èni di menzu puru a festa du Crucifissu...o su scurdau!?

P.A. Ancora ci torna a spadi!?(*detto comune*)

Bittu: Quantu ni accurdamu!?

P.A. Accurdamu !? Chi aveumu a sunari a chitarra chi accurdamu!?

Bittu: Iò diceva di sordi patri arcipreti...

P.A. U capivi...u capivi...ti pari chi sugnu babbu!? Si ancora non ni capemmu tu dicu chiaru: Sta botta sordi non ci n'è!!E comu sai benissimo: Non putemu fari malafiura!!!

Giacomo: *(Rivolto a Bittu)* Allura non capisci!?

P.A. No, caru Giacumu...iddi senti sulu quannu voli sentiri...

Angelina: E non c'è chiù surdu di cu non voli sentiri...(detto comune)

Bittu: (*taglia corto*) U capivi qual è a sunata...Giacumu, veni cu mia...arristamu pi quali orariu patri arcipreti!?

P.A: Duminica pa Missa di deci ...va beni!?

Bittu: Va beni, ci dicu e carusi e novi n'ta chiazza...Arrivederci...camina Giacuminu...(escono ambedue da sinistra)...

Giacomo: Saluti pi tutti...(esce)

P.A: (*implora*) Oh Patri, Figghiu...

Angelina: (*interviene*) E Spiritu Santu...

P.A: Muta tu!....Emu avanti...Delfiu...

Delfio: (*scattante*) Comandi!!

P.A: (*demoralizzato*) Va beni va...cà c'è l'autru...E unni erumu a caserma, st'autru piddu!...Mi raccumannu: Non putemu fari malafiura!!!!

Delfio: Bene... dunque!?

P.A: Quantu siti cammora i vardia o cumuni!?

Delfio: (*ci pensa*) Facennu un cuntù...chiddu...più chiddu...più l'autru...deci!!

P.A: (*meravigliato*) Quantu!?Deci!? E unni i vidisti!?

Delfio: Patri arcipreti, mu voli diri a mia!?Iò ci dicu a vossia comu si sparti a Comunioni!? Eh! Ci dissi deci e saremo deci...si fidassi....

P.A: Su dici tu...ricordati chi

Tutti: (*litania*) Non putemu fari malafiura!!!

Angelina: (*lamentela*) Cuntuamamu accussì...di cà a duminica..

Delfio: Patri arcipreti, ripetu...non si preoccupassi....

P.A: Autru!!Mi preoccupu e comu!!!

Delfio: Domenica mattina, darò disposizione ai miei uomini di deviare il traffico sulla circonvallazione di via nord...

Angelina: (*non capisce*) A circonvelz...Qual è stà strata!?

Delfio: (*meno diplomatico*) A trazzera chi porta n'to chianu di Calameri....

Angelina: (*si convince*) Ah!!Capivi...ora mi pistruadivi (*ho capito*)...

Delfio: (*come prima*) Farò transennare tutto il perimetro adiacente allo svolgimento del corteo e le succursali ad esso connesse, innanzi il Sacrato della Chiesa...

Angelina: (*nuovamente confusa*) Ma, sicuru chi stamu parlannu du stissu paisi!?

Delfio: Certamente!!Che domande!!

Angelina: E chi è su palimetru e si stucutali...!?

P.A: *(interviene)* A chiazza Ianciulina!!...Insomma Delfio, u capemmu, ni videmmu davanti a porta a Chiesa pi novi di duminica matina e semu paci...

Delfio: Ma, Patri arcipreti, si non putemu fari malafiura chistu è u minimu!!

P.A: Giustu dici, ma tu ci fai partiri i sentimenti e cristiani di sta manera...eh!?

Delfio: Comunque...vedrete che servizio d'ordine...

Angelina: *(scettica e critica)* U immaginu!!!...comu da vota chi ci facisti a contravvenzioni a da machina chi nenti sapennu era a tua!!

Delfio: *(autorità)* La legge è uguale per tutti!!

P.A: *(come prima)* Patri, Figghiu...

Angelina: E Spiritu Santu...

Delfio: Bene.. adesso toglierei il disturbo.. il dovere mi chiama...allora a domenica...con permesso!!*(esce da sinistra)*

P.A: E ficimu puru chista...emu avanti...Rossella, almenu tu...

Rossella: Padre, mi impegnerò al massimo ma lei sa benissimo che il nostro coro non è così all'altezza....

Angelina: Ti dissi chi mi iunciu macara iò...

P.A. (*ironico*) Allura.!!

Iole: Anche io darò il mio contributo...

P.A. (*fiducioso*) Hai vistu!? E già accucchiammu un bon numero, chiamamu puru Arpina e ficimu a paci... Però Iole, nu bellu discursu pu Viscuvu puru lo devi fari!

Iole: Mi impegnerò al massimo e tirerò fuori il meglio del mio ampio bagaglio culturale...

Angelina: (*polemica*) Bedda Matri !E cu era...

P.A. Va beni...mi pari chi ci semu...

Da sinistra entra in scena Alpina...

Alpina: Permesso!?

P.A. (*contento*) Cascasti precisa!! Perfettu!! Rosella ti devo parlari...

Alpina: A mia!?

Rossella: Alpina, domenica ci sarò qui in paese la visita pastorale del Vescovo e dobbiamo preparare dei canti ..tu sei dei nostri vero!?

Alpina: (*ci pensa*) Duminica!? Forsi avissi impegni...

P.A. (*interrompe*) Perfettu! Ci dici chi non poi iri (*andare*) e veni a cantari...

Alpina: (*Titubante*) Ma...patri arcipreti...

P.A: *(ancora in contropiede alla giovane)* Arpina...U Signuri prima di tutti e di tuttu!!

Alpina: *(dopo qualche attimo di esitazione)* E va beni....

P.A: *(contento)* Oh!!Brava!!Accussì mi piaci!!

Angelina: Pu manciari ci penzu iò...una ricetta personali...

P:A *(sull'attenti)* Ianciulina!!! Mi raccumannu!!!

Angelina: Patri Arcipreti...u sacciu!!

Rossella: Emm...scusate...allora io andrei...deve dirmi altro Padre...

P.A: Rossella, a Missa èni pi deci...quindi fatti tu u cuntù...

Rossella: D'accordo...ci penzo io...A domenica *(esce da sinistra)*

Alpina: Patri Arcipreti, io pozzu iri!?

P.A: O vai puru tu gioia..u Signuri mi va renni a saluti...

Alpina: Aspettami Rossella, vengo con te...arrivederci *(esce da Sinistra)*

Iole: Anch'io allora andrei...

P.A: Iole, penzo chi pi tia non ci vonnu raccumannazioni...

Iole: Padre, stia tranquillo...arrivederci...*(esce da sinistra)*

Angelina: Finalmente parteru tutti...

P.A: (*Chiede conferma*) Ianciulina, tu chi dici, facemu malafiura cu Viscuvu!?

Angelina: (*Rassicura*) Patri Arcipreti...mi stassi tranquillu...A so Eminenza u lassamu ca ucca aperta...

P.A: A comu voli Diu...(*detto comune*)

Angelina: Voli manciari!?

P.A: Chi c'èni di robba!?

Angelina: Iaddina bugghiuta...

P.A: Bona èni... (*si reca al tavolino per mangiare*)

Bussano...

Angelina: Cu è!?

Bittu: (*da fuori*) Iò sugnu Bittu...

Angelina apre...

P.A: (*preoccupato*) Bittu!? Chi succidiu qualcosa!?

Bittu: Nenti Patri Arcipreti...vinni pi parlari da musica pà festa du Crucifissu...!!!

Angelina E patri arcipreti rimangono demoralizzati....

P.A: Patri, Figghiu...

Angelina: E Spiritu Santu...

Bittu: (*ignaro di tutto*) Ma chi dissi!?

Fine atto primo

Atto secondo

La domenica è arrivata...sono le ore 08:00 del mattino, quando bussano alla porta...

Angelina: (entra da destra in fretta) Un minutu...un minutu...ma chi succidiu!?(apre) Bittu!!!Giacumu!!Trasiti...

Bittu: (visibilmente preoccupato)Salutamu Angilina, Emm...emm...vidi ...comu tu spiegu!?Succidiu chi...emm...emm...

Angelina: Giacuminu!!Spieghiti tu!!

Giacomo: Ah no!! Cara Angelina, u capobanda èni iddu e ora s'arrancia!!

Bittu: Bell'amicu!Insomma, succidiu chi....(tituba) mi scordai di avvisari a musica pi oggi e.... ni prisintammu sulu iò e Giacuminu chi u sapeumu...!!!

Giacomo: Capisti cara Angelina!?

Angelina: Bedda Matri...e ora cu ciù senti a patri arcipreti!!!??

Bittu: (demoralizzato) A cu ciù dici!?

Angelina: Ad ogni modu, chi vulemu fari!?

Giacomo: Tantu semplici..ci dicemu chia musica non poti veniri e semu paci!!!!

Angelina: *(contrariata)* Chi fai!? Niscisti pazzu!!??Mancu pi scherzu!! U sai com'è fattu Patri Arcipreti, no!? *(imitanto il curato)* “ Caruseddi, non putemu fari malafiura!!”

Bittu: *(preoccupato)* Allura, chi putemu fari!?

Giacomo: Vadda...ancora sunnu l'ottu..facemuni un giru e circamu di ricampari chiù genti possibili pi deci..

Angelina : Giustu dici Giacuminu..ci dicu a Patri Arcipreti chi scinnistuvu o cuncertu a pigghiari a rancascia....ma mi raccumannu...non chiù tardu di deci!!!Quannu nesci a Missa...

Bittu: *(ringrazia)* Grazi Ianciulina...grazi...u Signuri mi t'aiuta!!

Angelina: Si va beni...E a tia mi t'arricampa...!!!

Giacomo: *(ironico)* Bonu!!Comunqu...stamu turnannu...capubranna...caminamu...

I due compari escono da sinistra...

Angelina: *(parla da sola)* Chista propriu non ci voleva!!!Ma si d'autru Bittu èni menza testa!!!..Spiramu sulu chi Patri Arcipreti non s'adduna di nenti...e u Viscuvu!!!Sant'Antuninu taliatini!!!*(implora)*

Bussano nuovamente alla porta....

Angelina: Arretu!!*(convinta di trovare Bittu dietro la porta lo chiama)* Bittu...chi ti scordasti....Delfio!!Accomoditi...antura nisciu Bittu, mi pareva ...veni avanti...

Delfio: Permesso!? C'era Bittu!? Picchi!? Chi cumminau!?

Angelina: *(come critica)* Chi fici!? Menza testa, si scurdau di avvisari a musica pi stamattina!!Propriu oggi chi veni u viscuvu!!!Menza testa!!!

Delfio: *(indaga)* E patri arcipreti u sapi!?

Angelina: Piffauridittu!!!Tu u sai com'è fattu patri arcipreti: *(come prima)* “non putemu fari malafiura!!”Si ci penzu a du mancia scorda di Bittu...a propositu, i to collegi u deviaru u trafficu supra a trazzera!?

Delfio: *(come Bittu)* Emm...emm...veramenti no....

Angelina: E u chiureru u palimetru!?

Delfio: Emm...no...!!!!

Angelina: E picchi!? Si poti sapiri!?

Delfio: *(Cambia discorso)* Ma da menza testa di Bittu!!!

Angelina: *(comincia a capire qualcosa)* Lassa stari a Bittu...i to collegi unni sunnu!??

Delfio: *(continua)* Emm...u Viscuvu s'arricampau!?

Angelina: Ma picchi canci discursu!?Attia!!!Non mi diri chi puru tu, comu Bittu...ti scordasti di....Oh Madunnuzza du Carminu!!!E ora comu facemu!???

Delfio: *(Preoccupato)* Piffauriddittu!!Non mi ci fari pinzari!!!

Angelina: E si poti sapiri picchi non si prinsintau nuddu!?

Delfio: Mu scordai!!!

Angelina: E poi ci dici a Bittu menza testa!!!...Oh Bedda Matri!!Senza musica..senza vardia e ora cu ciù senti a Patri Arcipreti!!!

Intanto proprio il prete entra da destra...

Patri Arcipreti: Chi haiu a sentiri iò!?!Oh! Delfio...tuttu prontu!?

Delfio: (*ironico*) Ehh!!Comu no!?

P.A: (*non capisce*) Chi voi diri!?

Angelina: Patruzzu, s'arricampau sua Eminenza!?(*in un italiano poco accettabile*)

P.A: No, ma chi succidiu!?

Angelina: Mi s'assetta...pi evitari m'attoppa n'terra...

P.A: Oh Bedda Matri!!Chi cumminastuvu!?(*preoccupato*)

Angelina: (*spiega*) Allora: succidiu chi di deci vardia chi ci diceva all'autru iornu Delfiu, si ni prisintò unu sulu!!!

P.A: E comu potti essiri stu fattu!?

Delfio: Emm...problemi di burocrazia....

Angelina: (*smaschera Delfio*) Comu no!!Buruca a zia e buruca puru u nannu!!Patruzzu, su scurdau!!!

P.A. (*sbalordito*) Su scurdau!? Oh Madunnuzza...pensici tu!!! Chiuremu di cà..transannamu di dà...e ora chi facemu!? Patri, Figghiu...

Angelina: E Spiritu Santu...Sintissi a mia, mi stassi tranquillu chi ancora non avemu finutu....

P.A. Comu non avemu finutu!? Chi c'è ancora!?

Angelina: Bittu....

P.A. Non ci vinni mancu iddu!!!!

Angelina: No, iddu vinni...e u restu da musica chi non si prisintau!!!

P.A. (*disperato*) Patri, Figghiu.....

Angelina: E Spiritu Santu.....

P.A. E ora Chi facemu....

Angelina: (*organizza*) Allura: Spustamu tutti i cosi pi doppu da Missa...n'ta sti menti Bittu cerca autri musicanti e Delfio autri vardia....

Delfio: (*scatta*) Va beni!! Ni videmu a chi ura!?

P.A. All'unnici precisi davanti a porta a Chiesa..e preia a Madunnuzza di truvare qualcunu....Ma tu hai a vidiri!!!

Esce Delfio....

Angelina: Patruzzu...chi ci vulemu fari!? Accussì vinni e accussì na tinemu!!

P.A: E menomali chi aveva pridicatu chi non putemu fari malafiura cu Viscuvu!!

Angelina: E vossia quann'è chi non predica...sempri!!!

P.A: Spiramu bonu...piffauri spiramu bonu...priamu...

Entra da sinistra Rossella...

Rossella: Permesso!?!...

P.A: (*preoccupato*) Pi Carità Divina...Si porti brutti nutizi tornitinni di unni vinisti!!

Rossella: (*non capisce*) Ma chi havi stamattina Patri Arcipreti!?

Angelina: (*taglia corto*) Lassulu stari Rossella, chi nutizi porti boni o tinti!?

Rossella: I nutizi sunnu boni...i canzuni pu viscuvu sunnu pronti...ma...purtoppu n'to coru semu picca!!!

P.A: Picca!?E precisamenti quantu!?

Rossella: (*conta*) Allora: Io, Alpina, A signora Iole...emm...emm...e basta!!!

P.A: (*disperato*) Oh Badda Matri!!!Tri cristiani!!Ma scumpareru tutti n'ta stu paisi!?

Angelina: Ci dissi chi mi iunciu puru iò...*(cercando di venire in contro al prete)*

P.A: Tri e una quattro...e finemmu!!!

Entra in scena da sinistra Minicu....

Minicu: Permessu!?Salutamu...cu c'è Patri Arcipreti n'ta sti menzi!?

P.A: *(si gira)* Cu è docu!?Oh..Minicu...chi vulevi!?

Minicu: S'abbinidica a vossia....

P.A: Santu e riccu, figghiu...

Minicu: Mi mannau a zà Rosa a dumannarici si vossia ci puteva purtari a comunioni a casa, sapi è cuccata cà primunia!

P.A: *(ha un guizzo da genio)* Comu no!!!Ma tu canti oggi n'to coru a Missa..va beni!?

Minicu: Chi fazzu iò!?Ma si non sacciu cantari!?

P.A: Intanto isti oggi a Missa!?

Minicu: Ma si mi staiu susennu ora!?

P.A: Bravu u porcu...camina pa Missa e canta....

Minicu: Ma si ci dissi chi non sacciu cantari!?

P.A: Nenti ci faci...fai accussì ca ucca....*(Mima)*

Angelina: (interviene) Patri Arcipreti, ora però si ni issi..unni è chi arriva u Viscuvu...ni videmu doppu da Missa...

P.A: (idem a prima) Patri, Figghiu...

Angelina: (idem a prima) E Spiritu Santu...si issi a canciari...Havi tutti i paramenti pronti beddi lavati e stirati...passassi a da banna...

Esce da destra Patri Arcipreti....

Angelina: Va beni...Rossella, già semu a cinqu(cinque)....

Da sinistra entra Alpina...

Alpina: Permesso!? Allora...siamo pronti?E' arrivato sua Eccellenza il Vescovo!?

Rossella: Alpina!!Menomale!Stavo cominciando a preoccuparmi...

Alpina: Patri Arcipreti unni è!?

Angelina: Lassulu stari picchè su tocchi cammora ti bruci!!

Alpina: Picchè!? Chi succidiu!?

Angelina: Lassa stari chi è megghiu....

Rossella: Ancora non si è vista la signora Iole...

Da sinistra entra in scena Iole....

Iole: Eccomi qui...

Minicu: (*meravigliato e scherzoso*) E chi è!? Ci friscaunu aricchi!?

Iole: (*non capisce*) Come scusi!?

Minicu: (*impacciato*) Emm..no...nenti...!!

Rossella: Signora Iole, ha preparato il discorso per il Vescovo!?

Iole: Certamente!! adesso però, scusatemi ma dovrei recarmi in Chiesa per partecipare alla solenne celebrazione...ci vediamo più tardi.....ma...a proposito prima di andare via: Non ho visto la banda suonare innanzi al sacrato...e il corpo dei vigili urbani!?Dove sono!?

Angelina: Emm...emm...Si ni issi a Missa!!!Pigghiassi postu se no resta a dritta!

Iole: Ma!?Comunque...a più tardi...

Minicu: (*Ancora scherzoso*) Bon viaggiu e lustru di luna...(detto tipico)

Iole: (*idem come prima*) Come scusi...!?

Minicu: Va beni va!!Ma chista l'havi cu mia!?Allura dillu no!?

Angelina: (*taglia corto*) Iole..sintissi a mia...issi (*vada*) a pigghiari postu...

Iole: D'accoro vado...

Alpina: St'otra sturduta...havi du uri chi dici chi si ni devi iri e ancora è cà...

Esce Iole da Destra...

Minicu: Matri bedda!!E quantu ci vulevunu du uri!?

Angelina: Idda chi non quaglia (*detto comune*)..veatri poi punceuvu!!Ma picchè non s'arricampa nuddu !?

Bussano....arriva Bittu...

Angelina: Maniiti!!!(*sbrigati!*)

Bittu in compagnia di Giacomo e di due comparse munite di strumenti musicali,, entra da sinistra...

Angelina: Allura!? Comu finiu!?

Giacomo: Comu finiu!? Finiu chi semu cumminati a pezza e filu!!!

Bittu: Attruvammu sti du carusi...

Minicu ride....

Bittu: Minicu !!Tu soni a rancascia !!!

Minicu: Chi fazzu iò!? Ma si non sacciu sunari!?

Angelina: (*stizzata*) Minicu!!Non mi fari siddiari e sona a rancacia!!!

Bussano...apre Angelina....c'è Delfio

Delfio: (*disperato*) Ianciulina, semu a mari!!!

Angelina: A mari!? E natamu!!!

Delfio: Non trovai a nuddu!!!...*(vede Minicu)* Minicu!! Tu putissi benissimo fari u vardia!!! Tantu pari cu Viscuvu ti canusci!?

Minicu: A bonu va!! Comu finiu!? Iò non ni sacciu fari vardia!!!

Rossella: Ma insomma Minicu!! Canzuni non ni sai cantari....

Giacomo: Musica non ni sai sunari...

Delfio: U vardia no sai fari....

Alpina: Ma chi è chi sai fari!?

Minicu: *(ci penza)* Iò!? Chi sacciu fari!?...Fammi pinzari....

Delfio: *(interrompe)* Cammora non c'è tempu pi pinzari...ora ti vaiu a pigghiari na divisa o cumuni e ta metti...

Giacomo: Attia!!! Ora ci stiau pinzannu!!! Taliannuli boni i divisi da musica e chiddi di vardia si assumigghiunu!! Putemu fari chi neatri *(rivolto ai bandisti)* facemu sia i musicanti chi i vardia e u stissu vali pi iddi dui....

Bittu: Giustu dici Giacuminu!!!

Delfio: Chi fai!? Ma no diri mancu pi scherzu!!

Angelina: E invece Giacuminu dissì na cosa giusta....

Rossella: Poi magari tutti possono passare a cantare con noi nella corale....

Alpina: E pi i robbi comu facemu!?

Minicu: Tu dicu iò, allura: Cu cappeddu facemu i vardia...senza cappeddu facemu a musica...senza giacca e cappeddu facemu u coru...

Alpina: Bravu a Minicu!!Hai vistu chi na cosa a sai fari!!

Delfio: Mi oppongo!!!Iò sugnu abituatu chi i cosi si organizzanu prima...(sentendosi osservato) emm...vuleva diri...va beni...

Bittu: Va beni...iò ,Giacuminu e i carusi passamu du cunceru e poi acchianamu n'ta chiazza....

Angelina: Na cosa lesta!!!

Bittu: Stamu turnannu!

Escono da sinistra...

Delfio: Minucu, veni cu mia o cumuni a pigghiariti i robbi...

Minicu: Partemu....

Angelina: Annacativi....

Escono da sinistra...rimangono Alpina, Angelina e Rossella...

Rossella: Angelina, tu chi dici...facemu malafiura!?

Angelina: Chi voi chi ti dica!? A comu voli Diu!!!(detto comune)

Fine secondo atto

Atto terzo

La Santa Messa sta per finire...il Vescovo ha appena finito di celebrare il rito insieme al nostro parroco...il momento della verità sta arrivando...avranno Angelina & comp. sistemato tutto!? Vediamo.....

Entrano in scena da sinistra Angelina e le ragazze...

Angelina: (sicura) Perfettu!!Pariti troppu beddi!!Rossella, pruvamu a canzuna...

Rossella: D'accordo...(rivolta al coro impartisce il segnale di via) Pronti!? Uno e due...

Il coro canta...

Coro: Il tuo popolo in cammino.....cerca in Te la via...

Angelina stona...

Rossella: (durante la direzione) Angelina non stonare...!!!Fermi...fermi....!!

Angelina: Chi succidiu!?

Rossella: Angelina sei stonata...d'accordo che ancora mancano Minicu e i ragazzi...però!!

Angelina: (polemica) Arringrazia a Diu!!

Rossella: Va bene...va bene....

Nel frattempo, da sinistra entrano in scena i due amici bandisti con le comparse, Minicu e Delfio...tutti verosimilmente vestiti uguale...

Delfio: Allura Ianciulina!? Chi dici!?

Angelina: (ancora polemica) Dicu chi semu ricchi e non ni sapi nuddu!!!Pruvamu a musica!

Delfio: (Implora) E chi dissi!!!Santu Lubiranti!!

Bittu: (come Rossella precedentemente) Allura!? Attaccamu!? Pronti!?....Unu e dui...

La banda suona la melodia....assordante!!!Tutti guardano il fatto sconcertati...!!

Bittu: (chiude la banda) Bonu accussì...

Minicu continua a suonare....

Bittu: (chiama Minicu) Minicu...oh Minicu...Ouh!?!?Bonu accussì!!!Non vidi chi ni firmammu tutti!?

Minicu: E chi sacciu iò quannu avemu a luvari manu!?Pu si e pu no...cafudddava corpa in vacanti n'ta rancascia!!!!

Alpina: Oh Bedda Matri!!!Tagghiamu subito tuttu cammora chi semu in tempu!!!Megghiu è!!!

Angelina: E a patri arcipreti cu ciù senti!?Bonu!!Perfettu!!Mali chi va Minicu avissi a cuntinuari a sunari, Giacumu ci faci n'singa cu l'occhiu..., va beni!?

Giacomo: (*scherzoso*) Macara si Minicu non capisci u segnali ci ppizzu na iffula n'to cozzu!!!

Minicu: Chi fai tu!?

Angelina: (*taglia corto*) Comu vuliti fari faciti...basta chi non si ni adduna u Viscuvu....

Minicu: Iò l'aveva dittu chi non sapeva sunari....

Angelina: Iemu avanti....Allura....a prima cosa chi facemu appena trasi u Viscuvu è...mittemu i vardia supra l'attenti e u coru leggiu leggiu s'avvicina e ci vasa a manu...va beni?

Tutti: Va beni....

Angelina: (*continua a progettare*) Arrivati a stu puntu....u facemu assittari accussì Iole ci faci u discursu e veatri (*rivolta agli uomini*) pigghiatu i strumenti, ci semu!?

Tutti: Ci semu....

Bittu: Sunamu a numeru uno.

Giacomo: (*come Angelina*) Allura: U Viscuvu trasi di cà (*indicando la destra*) i vardia tutti supra l'attenti...

Bittu, Minicu e Delfio vanno verso la porta di destra...

Giacomo: *(continua la spiegazione)* Appena trasi u
Viscuvu...saluto!

Delfio: Ci penso io...appena dico “attenti”...tutti con la mano
vicino il capo d’accordo!?!...proviamo... “attenti”

Tutti alzano la mano destra...Minicu la mano sinistra....

Delfio: Minicu!!!

Minicu: Cu è!?

Delfio: Hai a spinciri l’altra manu!!!

Minicu: *(facendosi ragione)* Oh!? Iò l’aveva dittu chi vardia non
ni sapeva fari!!!!

Angelina: A bonu va!!E chi dissimu nenti?

Rossella: E dopo il saluto che si fa!?

Giacomo: Dopu chi Angelina e veatri ci vasati a manu,
leggiu...leggiu i vardia si mettunu a sinistra e senza cappeddu
attaccunu a musica...

Alpina: Scusati a franchezza...ma si u viscuvu si accorgi di tuttu
chi facemu!? Mancu si era menzu fulminatu!!

Bittu: Fazzu na domanda:quantu anni havi so Eminenza!?

Angelina: Parenti da ottantina...

Minicu: Paraggiu da zà Scanciula...

Bittu: E secunnu tia un cristianu a ottant'anni s'accorgi di tuttu!? Oramai...l'età si faci sentiri...

Minucu: Allura si non vidi...tantu vali...

Alpina: E metti casu vidi chi facemu!?

Angelina: A finemu dicu cu su iocu di tri carti!? Si ma nannu non mureva ancora campava no!?Chi dici!? Emu avanti....

Giacomo: Dopu di che...attaccamu a sunari...

Bittu: *(nuovamente)* Facemu a numeru unu...

Giacomo: U dicisti antura...u capemmu...Arrivati a stu puntu...Iole leggi u discursu pu Viscuvu...

Minicu: *(con astuzia)* E leggiu leggiu neatri ni luvamu a giacca e ni mittemu a cantari...

Alpina: Bravu a Minucu!!

Minicu: Grazi!!

Angelina: *(dopo aver guardato alla porta)* Bonu accussì...sistimamuni chi stannu arrivannu!!

Con fretta ognuno si sistema al proprio posto....dopo un po', entrano in ordine Padre Arciprete, Il Vescovo e Iole...

Iole: *(applaudendo)* Evviva il Vescovo!!!

Delfio: *(comanda)* Attenti!!

Neanche a dirlo, Minicu sbaglia mano.. Bittu lo corregge...

P.A: Emm...Eminenza...il nostro corpo dei vigili urbani...

Vescovo: Pace e bene...(porge la mano)

Tutti tranne Bittu baciano la mano...

Bittu: Piaceri,Bittu..Sugnu u capobanda!!

P.A: Emm!!!!Bittu!!

Bittu: Attia!!!!(bacia la mano anche lui)

Angelina: (demoralizzata)E chista è a secunna!!

Vescovo: Una bella formazione...sarà sicuramente efficientissimo...

Minicu: Comu no!!

Vescovo: Cosa!?

P.A: Emm....efficientissimo!!!S'acumudassi..(fa sedere il vescovo)

Angelina: Vasamuci a manu o viscuvu....

Insieme alle ragazze Bacia la mano...La banda si sistema..

Bittu: Pronti!? Unu e dui....

Suona la banda...il Vescovo, vedendo le stesse facce dei Vigili, si meraviglia!!...La banda smette di suonare.. Minicu no!Giacomo.. come promesso, tira una scoppola al povero amico...

Vescovo: (titubante) Ma ...Padre...dove sono andati i Vigili urbani!?

P.A: Emm...a deviare il traffico sa, oggi in occasione della sua visita hanno transennato tutto il perimetro adiacente al sacro....

Angelina: Si..si...chiuderu u u palimetru!!

Vescovo: Cosa hanno fatto!?

P.A: Nenti!!Statti muta!!!

Il Vescovo si avvicina a Minicu....

Vescovo: Figliolo...ma tu....

Minicu: (interrompe piangendo) Iò l'aveva dittu chi stu cosu no sapeva fari...m'havi a scusari Santità...!!

Giacomo: Mutu cretinu!!!Emm...èni emozionatu Eminenza!!!

Vescovo: Non fare così figliolo...comunque, noto in lui una somiglianza con uno dei vigili urbani...

Minucu: Sulu iò però, veru!?

Bittu: Minucu...ti ricordu cu Viscuvu havi ottant'anni e a vicchiaia si faci sentiri!!!

Vescovo: Ma cosa dice!!!

P.A.: No!!!Eminenza, il figliolo voli diri chi iddu havi un nannu chi èni anzianu e ancora sona n'ta musica, capiu!?

Bittu: *(stupido)* U nannu!? Ma si muriu havi na chidda d'anni!? Su purtau puru iddu e vosi puru a busta!? L'età puru pi vossia si faci a sentiri Patri Arcipreti!!!

Giacomo: *(pesta il piede)* Ti stai mutu!!

P.A.: Emm Iole.. leggi il discorso per il nostro vescovo....

Nel frattempo che Iole legge la banda si trasforma in coro...

Iole: *(legge il discorso)* Sua Eminenza carissima...con grande gioia....*(legge due parole di routine...alla fine!)* Un applauso al nostro Vescovo!!

Angelina: Battemu i manu!!!

P.A.: Le presento la nostra corale....

Vescovo: *(vedendo le stesse facce, rimane meravigliato e punta Delfio)* Ma lei...non suonava nella banda!?

Delfio: *(sbaglia l'approccio)* E picchè...unu chi sona n'ta musica non poti cantari n'ta corali!? Giovanotto...patente e libretto!!!

Vescovo: Cosa!?(meravigliato)

P.A.: Lassasti stari!!Emm....scherzunu sempri sti carusi!!!

Rossella: Forza cantiamo...uno e due....

Parte il coro...finita la canzone....Bittu canta...Minicu lo ferma!

Alpina: Bravu Minicu!!

Minicu: Grazi!!

Vescovo: *(discorso)* Cari figlioli...devo dire che la vostra è una bella comunità...continue così...Padre faccia i complimenti al corpo dei Vigili Urbani e alla banda musicale...pregherò sempre per voi!*(impartisce la benedizione)*

Iole: Evviva il Vescovo!!

Giacomo: Ora partemu a manciari!!

Angelina: Attia!!!!U Manciarì!!!Mi mittivi assicutari sti sdirraggiunati e mu scordai!!

P.A: Comu tu scordasti...

Delfio: Sti cosi non si scordunu!!

Angelina: *(seccata)* Senti cu parla!!!Chiddu chi...

Giacomo: *(arriva i tempo per sistemare tutto e tappare la bocca ad Angelina che sta per svelare tutto!)* No...emm...si scurdau di avvisari u maggiordomu di Iole...chi ritardaumu!!!

Iole: Di fare che!?! *(non capisce)*

Minicu: Giustu!!Tutti a manciari unni Iole!!

Iole: *(continua a non capire)* Come tutti da me!?

P.A. Emm si!!Tutti unni Iole...Vinissi Viscuvu!!Evviva il Vescovo!

Tutti tranne Angelina ,Bittu e Minicu escono da destra facendo festa!...

Minicu: Hai vistu chi mala fiura non ni ficimu!!!??

Angelina: Ci haiu a diri na curuna di rusariu a S. Caloriu!!!

Bittu: *(insorge)* Attia!!!

Minicu & Angelina: Chi succidiu!?

Bittu: Mi scordai di dumannarici a P.A. di cuntrattari a musica pà festa du Crucifissu...

Minicu & Angelina: Ma piffauri!!!*(escono da destra)*

Bittu: *(incredulo e spaesato)* Ma chi dissi!?!?

FINE

